

INUIT ATAQATIGIIT

Inatsisartuni



06.12. 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

1. Sooq "Danskisut innuttaassuseqarneq pillugu inatsisip allanguutaasa Kalaallit Nunaanni atuutilersinneqarnissaanut peqqussut" (naatsorsuutigineqaraluartut) UA2019-imi oqaluuserisassanut ilanngunneqanngila?
2. Sooq peqqussummut siunnersuut aatsaat julimi 2019-imi tusarniutigineqalerpa, massa Udlændinge- og Integrationsministeriamit (Allamiunut akuutitsiniarnermullu ministeriaqarfimmiit) maajimi 2018-imili nassiunneqarsimagaluartoq.
3. Peqqussutip Inatsisartuni oqaluuserineqarnissaa qaqugu pissangatinneqarpa?
4. Pisami uani paasissutissanik allanik attuumassuteqarsinnaasunik peqarnersoq Naalakkersuisut paasissutissiisinnaappat?

(Inatsisartunut ilaasortaq, Aqqa Samuelson, Inuit Ataqatigiit)

Tunngavilersuut:

Tusarniaassutitut portalimi 8. juli 2019-imi "*Danskisut innuttaassuseqarneq pillugu inatsisip allanguutaasa Kalaallit Nunaanni atuutilersinneqarnissaanut peqqussut*" saqqummiunneqarpoq.

Taamaasilluni innuttaassuseqarnermut inatsit arlaleriarluni allannguuteqarsimavoq, allannguutilli Kalaallit Nunaanni atuutilissanatik. Kalaallit Nunaanni peqqussut atuuttoq tassaavoq danskisut innuttaassuseqarneq pillugu nr. 422 7. juni 2004-meersoq, kingullermik inatsit nr. 647 12. juni 2013-meersutut allanngortinneqartoq.

Soorlu Udlændinge- og Integrationsministeriet (Allamiunut akuutitsiniarnermullu ministeriaqarfik) oqartoq, innuttaassuseqarnermut malittarisassat tunngaviumik inatsisitigullu inissisimaneq aallaavigalugu naalagaaffeqatigiinnermi tamarmiusumi atuuttariaqarput. Massakkulli taamaattoqanngilaq, assersuutigalugu marloqiusamik innuttaassuseqarsinnaanermut tunngasut suli Kalaallit Nunaanni atuunnatik.

Tusarniaasitsinermi allakkiat naapertorlugit peqqussut Inatsisartuni ukiaanerani ataatsimiinnermi suliarineqartussaagaluarpoq. Oqaluuserisassanulli ilaangnigilaq, taamaattumillu

tamanna apequtigaa. Peqqussutip UA2019-mi oqaluuserisassanut ilaanginneranut suna patsisaava?ⁱⁱ

Manna Aatsitassanut Suliffeqarnermullu Naalakkersuisoqarfimmit paasissutissanik tunngaveqarpoq. Peqqussutip suliarineqarnera sivitsuissimavoq, kinguaattoornermullu patsisaasoq paaserusuppara.

Ullut suliffiusut qulit qaangiutinnginneranni akineqarnissara kissaatigaara.

ⁱ <https://naalakkersuisut.gl/da/H%c3%b8ringer/Arkiv-over-h%c3%b8ringer/2019/dansk-indfoedsret>

ⁱⁱ Apeqqummut nr. 3-mut akissut L 81 9. november 2018-imeersumut akissutaasoq. <https://www.ft.dk/samling/20181/lovforslag/L81/spm/3/svar/1528084/1966723.pdf>